

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXIX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

unà mittes & precium indicabis. Benè vale. 22. Novembris, Anno 1583.
Davidem Razium optarum adjunctas literas Menzingam statim perferre.

David Chytræus.

LXIX.

S. D. Reverende & clarissime vir.

Lamentationem de optimi Principis Palatini Electoris obitu tuam
superiore mense primum accepi. Verè judicia Domini abyssus multa,
quæ nemo justè reprehendit, plenè nemo comprehendit. Etsi
igitur causas consilii divini non perspiciamus: tamen sapienti & justo
DEI judicio hæc administrari non dubitemus. De Timianno nostro,
aliis, à quibus plus commodi expectat, se adjungente, nihil præter expectatio-
nem mihi accidit, cum sæpè jam similia expertus sim, *φύσει δ' ευεργεταίωλον ὁ φι-
λοσοφῶν ἀπὸν δὲ τὸ χρεῖσθαι τὴν ἰσὴν ἔχει φύσιν.* Apud nos DEI beneficio mediocris adhuc
Ecclesiæ & Scholæ tranquillitas est. Respublica etiam cum principe de ca-
pitibus controversis planè his diebus transegit, ut jam Daniæ regem, com-
mercia, quæ nostris superiore autumno in suis regnis interdixit, restitutum
speremus. Benè & feliciter vale. Nonis Martii, 1584.

David Chytræus.

LXX.

Salutem in Domino.

REtè, meâ opinione, Isocrates ingenuos & honestos homines, à malis in
eo discernit; quod *τῶν μὲν φιλῶν συνθεῖται ὀλίγη χρησὶ δόλιος, τὰς δὲ τῶν σκε-
δαίων φίλος ἂν ὁ πᾶσι αἰῶνι ἐξυλεῖται.* Quod igitur tu, Reverende & Clarissime
Domine Doctor, memor amicitiae ejus, quam ante annos 12. Eslingæ in ædi-
bus Dn. D. Jacobi Andreae, tu & frater mecum, cum certè familiaritate vestra
indigno, contraxistis, nuper ad eam continuandam & confirmandam literas
ad me scripsisti, ex eo certè de animi tui ingenuitate & bonitate judicium fa-
cere possum. Et nisi Ego, in eadem renovanda atque in posterum constanter
solenda, tuæ expectationi responderem, meritò *ὡς τῶν φιλῶν* numero habendus